

庾嶺爲五嶺之一其山延袤二百里螺轉九磴而至頂登者難之唐開元中詔內供奉張九齡鑿開新路始通車馬九齡爲文記之嶺分南北是曰梅關亦名橫浦關上有曲江祠宋淳熙間知軍管銳多植梅以實其名趙孟適以嶺下官驛皆梅扁曰梅花國明成化己亥知府張弼重修嶺路并作均利記勒之于石

小梅嶺在庾嶺稍西北實與庾嶺聯絡唐開元以前入粵之路由此故又名小梅關

金星嶺在府治東一里許水口寺左明隆慶間建塔于上又東一里爲惜母嶺嶺下有惜母村

獅頭嶺在府城西南五里左有一山如象與此嶺俱瞰江流循江岸行有石竇頗方廣兩人可並行名曰石門下有一